

SETA NEOEI

NO. 277

Migmaoi Solnaltijti

May 1910

LE MESSAGER MICMAC

Metit Journal Mensuel publié par le R. P. Pacifique, Missionnaire, à Sainte-Anne de Restigouche, P. Q. Paraît le 1er du mois. Abonnement, 50 sous.



THE MICMAC MESSENGER

A Monthly Newspaper for the Indians. Yearly Subscription 50 cts. Address all communications to Rev. F. Pacifique, Restigouche, P. Q.

PATLIASEOEI GALOSOAGAN

Migoltetemenetj, nitjantot, tan geg-et neolsgeogonag Oestaolg minonsis, na otjit nige neoboel igag oenaglet pestieoimmi, na nagoeg getoi ginamatimgel gtjloasogönemagan pageoimgeoei nagasoeg, istege Sesos poni nemos ogsitgamog.

Nigetj goeltamolting, tan amsgoesoei pilei tepgenoset, pögtji alasotmang pesgonateg tesogonag eli gisgatjeimig getoi Oetjioli Nisgameoimgel, tjel tesigisgeg oelögol alasotmang otjitj gitjimo Mali oteppenosetemel. 14 tesogonitj soneoimig ag sigentasotiei samogoan aptj elapatasig; 15 iapan-tegöteoimig; 18, 20 21 soneoimig neo teli gisgeg; 22 oli ngoti Nesesoti; 26 petjili aptjittimgeoei; 29 Oestaolg teoalot. Net tesigel gtjipestieoimgel ola tepgenoset eoittemegel ein tepetog tan mesi oitemeg, tesit oen pitjatotj ogoam lamonitog oagla pagalaitil tan Sesos oetji nelatolg tan teli gsi gsalolg, ag tesigisgeg metj atji gsalanetj ag jogöoanetj; gitjimo Mali ag Sösep tli apögonemolgotj.

Mento mögoetj poni nenagimolog getoi alasotmatigoel. Maltjeoetj epitntaoi amgamsiteo nipnotjagamitigtog piamio neogte atjelitjel, ein tepetog oaggatj gisi molgopogoitoe nangel aptjetjgel. Gisiolgis gisi mileois-toteo agetiisgeg, sgato nagesi gispenet pögtji gloatjel Gisolgol alasotmanganigtog. Tjinemog pgitji agnotematitig otmötaganog giana omili os-gomaneo nigani pogoitilitji giseolstotag neotigisgeg ag neögtitpag giana sig otillasogotimeo, sgato ola tan petjili msegig otmötagan tan teloittemeg alasotmagan, ma ogsöttemog agetaig gal atjlieltjel. Pagelaptemog ansema tan teli pgitji otmöttemeg tanel gögoel ein pa mögoetjoenogol, geegmetj pepilittemegel tanel maogoiel ag iaptjloboel öbtii.

AGNOTEMAGANTJITJEL

MELSIGNATIG—oetjategemg 7 glapis 11 tesogomiteg pag. tepp.—telli maol alasotmanges otjit pageoimgeoei, 184 pagapogoatitjig, 175 gemnieoltitjig, 23 mitjoatitjig elp pagapogooatitjig, 1 sigentasit, 10 oesoatotitj tjinemoei eloitemasoti: Eglan Saimen eta, Simon Saimen, San Piel Sag, Piel Plansoe, Noel Antle, Palnape Piel, Plansoe Agostin, Toma Silpel, Sösep Silpat, Noel Simon. Mesgig elp apögonematingeoei ignemoatitjel inog patliasel \$20 ag \$2 otjit solnaltitj. Tet getoi gsi moioalotitjig. Mesgig alames elitaisigsep gespeteg 9 tes. otjit Gaphiel Gielög otalamesem, otepittemel ignemasenel.

NATOAGNEG ngoteli—12 ag 13 tesogoniteg—maol alasotmanges 102 pagapogoatitjig ag 8 mitjoatitjig, 91 gemnieoltitjig; 1 oesoatot maolomigtog, san Patis Oenotj, tögo elp 6 tesitjig gisi loitemasolititjig oponatonoe na eloeoaloeog pogteoitjig ag eolaloeog tan oetji nögoig gtjitjagamitjinag.

Telsetemamg notji ginamoetisgo ogesinogoan tegelogonag. Maltaneoitjig oetji pögtiamgitapanig metepenaglag elmitatitjel ometgloag.

Elp telsetemamg gameg listogotjig, gtjiganigtog nige teplotasig ma nogo, ntolsgetasetnog pogteoitjig. Getel palög oles. Natel ögo soel teli oetjitemg istege samogoan sipolgtog, ag teli pigoelg inoi solieoei oetji gsegag, tjel elitetemeg mset tan tesit listogotjeoatj ogtji gsi olitasiteo; ag tan oen geto samogoat elpa poni gollteo, meloitj; angoeibata onitjantitj ag esgolag solieoei masgoatoteo.

LISNOGOTJG—mesnemegsep mesgig oigatigen gtjipatliaseoigtog oetji oigasig maolitangel gög gepega. Tögo teli neotolgaisig neasonemigel, Oestaolg tan telegel ag tan telgimolgol gtelöitlineno.

Temg eta tesit oen ottingtag angit-etj tan teli ginamatjel Sesosel, tögo geil